

Aufurily

## Arif J. Krasniqi 9 Shkurt 1946 -13 Gusht 2010

"Komunikacioni është gjaku i sistemit ekonomik të çdo vendi por edhe Kosovës dhe është bartësi kryesor i ndryshimit dhe zhvillimit të vazhdueshëm të vendit. Rrugët e qarkullimit të gjakut të këtij sistemi janë arteriet rrugore, hekurudhore, detare, postare dhe ajrore".

## Studimet

Në vitin 1976 përfundoi shkollimin e lartë në Qendrën teknike të komunikacionit rrugor në Zagreb, Kroaci.

Në vitin 1987 në Fakultetin e Shkencave të Komunikacionit në Universitetin e Zagrebit përfundon Ciklin e parë të studimeve universitare në Programin nëntë semestral në drejtimin e komunikacionit rrugor.

Në vitin 1988 paralelisht në të njëjtin fakultet përfundoi studimet edhe në drejtimin e komunikacionit hekurudhor.

Në vitin 2008 përfundoi Ciklin e dytë të studimeve të magjistraturës në Fakultetin Inxhinierisë Mekanike në Universitetin e Prishtinës-Dega e Komunikacionit, me temën "Përdorimi i terminaleve për qarkullimin e mallrave në Kosovë".

Në vitin 2009 përfundoi edhe një Cikël të dytë të studimeve të magjistraturës në Fakultetin e Pedagogjisë-Dega e Pedagogjisë në Universitetin Shtetëror të Tetovës, Republika e Maqedonisë, me temën "Roli i shkollës në edukimin e ngritjes së mirësjelljes së nxënësve në komunikacion".

Në vitin 2010 i aprovohet tema e disertacionit në Ciklin e tretë të studimeve me titull "Modelimi i proceseve të mekanizimit në terminalet e mallrave në Kosovë dhe rritja e efektivitetit në transport" në Fakultetin teknik-Seksioni i Makinerisë në Universitetin "Shën Klementi i Ohrit" në Manastir, Republika e Maqedonisë, mirëpo vdekja e parakohshme ia pamundëson mbrojtjen e doktoratës.

Gjurmë të pashlyeshme në arsimin shqip, në shkencat teknike dhe në kulturën në komunikacion.

Ligjërues shumë vjeçar (vitet 1970-1990) në auto shkollën e Prishtinës (SHAM).

Mësimdhënës shumëvjeçar i lëndëve profesionale në drejtimin e komunikacionit, në Shkollën e Mesme Teknike "28 Nëntori" në Prishtinë.

Në vitin 1996 ishte njëri nga iniciatorët e parë për themelimin e profilit të komunikacionit rrugor në Fakultetin e Inxhinierisë Mekanike në Universitetin e Prishtinës.

Në vitin 2001 ishte themelues i Kolegjit Tempulli si institucioni i parë privat i njohur zyrtarisht në arsimin e lartë në Kosovë.

Profesor Arif Krasniqi ishte autor i disa librave për studentë që studiojnë në fushën e komunikacionit të cilat janë botuar nga Kolegji Tempulli: "E drejta e Komunikacion" Dhjetor 2001, "Bazat e Komunikacionit dhe Transportit" Maj 2002, "Mekanizmat e Ngarkimit dhe Shkarkimit" Shtator 2003, "Infrastruktura në Komunikacion" Qershor 2004, "Sistemet Integrale Multimodale" Shkurt 2005, "Rregullat dhe Siguria në Komunikacion" Dhjetor 2006.

